



Saksframlegg

Saksnr:	Utval:	Dato
	Levekårsutvalet	

Sakshandsamar:	Kultur- og aktivitetseininga	Eileen M Feste
	Arkivnr.: 17/2023	Klassering:

Kulturmidlar 2018 - hovudtildeling

Rådmannen sitt framlegg til vedtak

Levekårsutvalet vedtek rådmannens sitt framlegg om tildeling av kulturmidlar 2018 – hovudtildeling.

.....

Saksopplysningar:

Politisk handsaming

Saka skal avgjerast i Levekårsutvalet.

Bakgrunn

Dei kommunale kulturmidlane har som målsetjing å styrkje fellesskap og livskvalitet i lokalmiljøet. Gjennom støtte til det lokale kultur-, idrett- og friluftsliv ønskjer Lindås kommune å stimulere til utvikling av nye idear, samarbeid og aktivitet. Gjennom eit mangfald skal alle ha høve til gode opplevingar.

Kommunestyret har løyvd kr 2.337.600 til kulturmidlar i 2018.

Levekårsutvalet gjorde vedtak i sak 15/18 – «Kulturmidlar 2018 – ramme for tildeling»

Kategori	Ramme 2018	Ramme 2017
Barn & ungdom	408.000	408.000
Kulturvern og samlingar	205.000	205.000
Kunstformidling/musikk	618.000	613.000
Idrett	836.000	831.000
Andre aktivitetstilbod	220.600	230.600
Tildeling haust 2018	50.000	50.000
	2.337.600	2.337.600

Vurdering

Tildeling i følge rådmann si innstilling;

Kategori	Ramme 2018	Rådmann si innstilling 2018	Avvik
Barn & ungdom	408.000	296.500	111.500
Kulturvern og samlingar	205.000	208.000	- 3.000
Kunstformidling/musikk	618.000	618.150	- 150
Idrett	836.000	879.780	-43.780
Andre aktivitetstilbod	220.600	212.600	8.000
Tildeling haust 2018	50.000	122.570	70.420
	2.337.600	2.337.600	

Kommentar avvik

Barn & unge

Det er søkt totalt kr 563.742. Tilskot kr 296.500 utgjer i snitt ca 52,5%, noko som gir ein forholdsvis høg dekningsgrad. Det er få, store prosjekt som går inn under barn & unge spesifikt, men dei svært mange av søknadene i alle kategori omhandlar barn og unge.

Idrett

Vi har fått søknad frå Bergen- og Hordaland turlag om tilskot til sikringshytte ved Kalvedalshytta. Rådmannen innstiller på kr 40.000

Vidare er det komme søknad frå Trond Mohn Games 2018 om kr 8.000. Trond Mohn er som kjend ein betydeleg bidragsyter til idretten, også i Lindås kommune. Trond Mohn Games 2018 er ei hyllest til Mohn i samband med at han fyller 75 år i år.

Tildeling haust 2018

I ramme for kulturmidlar 2018 er det budsjettert kr 50.000 til tildeling haust 2018. Denne sum vert økt med ei eventuell «overskot» frå hovudtildelinga våren 2018.

Høyring

Lindås kulturråd og Lindås idrettsråd fekk saka til høyring 25. april. Lindås kulturråd sendar i sitt svarbrev at rådet har ingen spesielle merknadar til tildelinga, men tek føre seg ein del prinsipielle spørsmål om m.a. velforeiningar og bygdelag og om ein skal gje tilskot til helserelaterte lag samt pensjonistlag. Noko av det som rådet peikar på, vil bli vurdert i samband med nye Alver kommune (t.d. spørsmål om verktøy).

Lindås idrettsråd har i sin høyringsuttale 08.05.18, bedt om at det vert gjort nokre endringar i aktivitets/prosjektilskot og i investering. Dette er gjennomført i framlagte innstilling.

Både Lindås idrettsråd og Lindås kulturråd ber om at tilskot til deira arbeid blir teie ut av budsjett for kulturmidlar og lagt som eit fast tilskot i budsjettet.

2310 BARN & UNGDOM

Til disposisjon: kr 408.000
Rådmann si framlegg kr 296.500

Kategori	Søkt	Rådmannens framlegg
Drift	110.242	77.000
Aktivitet/prosjektilskot	178.000	93.000
Investeringsstilskot	275.500	126.500
Totalt	563.742	296.500

Kommentar driftstilskot;

UL Idun

UL Idun mottar kr 83.000 i husleige frå Lindås kommune for lokalar til ungdomsklubben Entry i Ostereidet skulekrins. Dette utgjør ca 66% av laget sitt budsjett for 2018.
Rådmann innstiller på avslag.

AKTIVITES/PROSJEKTTILSKOT

Dei unges Festspeldag

Dei unges Festspel blir arrangert i samband med Festspelene i Bergen kvart år. 200 barn deltek. Også elevar frå Lindås kulturskule skal delta i år. Dei unges Festspeldag gir barn og unge som spelar eit instrument, dansar, syng eller spelar teater, høve til å opptre framfor eit publikum i festspeltida i Bergen.

CISV Nordhordland

CISV Nordhordland arrangerte påsken 2018 eit YOUTH MEETING for 14-15 åringar frå heile verda. I ei veke deltok 50 deltakarar, inkl leiarar, frå ulike land, på samling i Romarheim. CISV er eit internasjonal organisasjon som trur på fredbevarande arbeid som startar med barn.

Samhald 4H

4H er ei landsomfattande, ideell barn- og ungdomsorganisasjon som er livssyns- og partipolitisk nøytral. Dei 4 H'ane representerer «*klar hove, varmt hjarte, flinke hendar og god helse*».

Superhelg for 4H er ei samling der alle medlemmane får kurs i verva sine for å lære korleis eit styre skal fungere saman. Klubbrådgjeverane vert samla til motivasjonskurs for å dele erfaringar for drift av klubbene. Helga blir avslutta med årsmøte for 4H Hordland der medlemmane deltek aktivt.

Pinsemenigheten Betania

«Connect» er barne-og ungdomsarbeidet i Pinsemenigheten Betania. Ca 70 barn og ungdom samlast annakvar fredag.

Alversund mållag

Mållaget legg vekt på arbeid retta mot skular og barnehagar og samarbeid med andre mållag og med lag som driv kulturarbeid i arbeidsområdet for Alversund mållag. Dei satsar m a på utdeling av bøker til barnehagane.

Kirkens SOS

Kirkens SOS i Bjørgvin er eit døgnope, sjølvmordsførebyggjande tilbod til alle innbyggjarane i Hordaland og Sogn og Fjordane. Kirkens SOS har ca 70 samtalar kvart døgn, heile året. Sjølvmordstankar er tema i halvparten av chattesamtalane og SOS-meldingane, og i 2.463 av telefonsamtalene i 2017.

Kirkens SOS sendar informasjon til alle vidaregåande- og folkehøgskular. Dei underviser også skuleelevar om psykisk helse og den gode samtalen.

Kirkens SOS har ingen særskilte prosjekt/tiltak retta mot Lindås kommune, men tilbodet som vert gjeve, gjeld heile befolkninga.

Edru livsstil Nordhordland

«God helgestart» har som mål å by eit rusfritt tilbod retta mot ungdom over 18 år. Dei skal tilby eit miljø med fokus på inkludering, respekt, humor, gode samtaler, nettverksbygging, vennskap, tryggleik og meistring. Dei søkjar særleg flyktningar og einsame. Tiltaket blir arrangert om fredagar og skal vere ei motvekt mot bruk av alkohol.

Skodvin skulemusikk

«Spel-med-vær-med» er eit prosjekt for å få inspirere barn barna på nye måtar til å starte som aspirantar til Skodvin skulemusikk. Barna vil få 8-10 veke med å lære noter og får låne instrument. Det vert avslutta med konsert.

Lindås ungdomslag

Lindås ungdomslag skal sette opp førestellinga «Kardemommeby» og «hakkebakkeskogen» vår/sommar 2018. Det blir en moglegheit for dei yngre i laget til å skape blest om seg sjølv og rekruttere nye medlemmar.

INVESTERINGSTILSKOT

Sakhald 4H

Samhald 4H skal leggje til rette møteplassar for folk i bygda. Klubben vil difor investere i «møteplassbenkar» med grill som blir sett ut på fjellet og ved stranda. Ein ønskje at folk i bygda skal nytte seg av tilbodet til uformelle treff, og på den måten bygge betre samhald.

Fritex ungdomsklubb

Fritex ungdomsklubb er eit klubbtilbod på Lindås for klassetrinn 5.-10. Klubben har vært i drift i mange år og utstyret ber preg av det. Det er behov for nytt lyd/lys utstyr for å kunne vere eit attraktivt tilbod til deltakarane.

Ungdomslaget Heimhug

Ungdomslaget Heimhug har eit aktivt revymiljø. Revygruppa arrangerer årlege førestillingar. Lyd/lysutstyret er i dårleg forfatning og trenger å skiftast ut. Dei skal saman med fagfolk bygge opp eit lyd/lys system som er tilpassa deira behov (song/tale).

Ungdomslaget Heimhug

Utleige av lagshuset til Ungdomslaget Heimhug, er ein viktig kjelde til inntekt til drift av huset. Stolene dei har er gamle og slitne, og det er behov for å skaffe 70 nye stolar.

Den nye storstova på Leknes skule er ein «konkurrent», og det er difor viktig at lokalane til UL Heimhug ikkje blir valt bort for nye lokalar grunna dårleg utstyr.

Ungdomslaget Nybrot

Ungdomshuset Dalheim ble bygd i 1931. Som mange av lagshusa i Lindås kommune, er det store behov for til dels kostnadskrevjande vedlikehald- og oppgradering. Ungdomslaget Nybrot jobbar med ein langsiktig plan for å oppgradere huset. I 2018 jobbar dei med å oppgradere gangen i hovudetasjen.

Hilland velforeining

Leikeplassen er ein arena der folk treffes. Leikeplassen på Hilland manglar disse. Ein disse som før stod på leikeplassen, måtte fjernas da den var farleg for barna å leike på.

3750 KULTURVERN- OG SAMLINGAR

Til disposisjon **kr 205.000**
Rådmann si framlegg **kr 208.000**

Kategori	Søkt	Rådmannens framlegg
Drift	288.000	121.000
Aktivitet/prosjektilskot	173.250	62.000
Investeringsstilskot	150.000	25.000
Totalt	611.250	208.000

Kommentar driftstilskot

Lindås sogelag

Lindås sogelag har teke ansvar for delar av Lindås kommune si samling av gjenstandar og førar arkiv på dette.

Lindås slusene

Laget «Lindås slusene» ble etablert i 2017. Laget har fått kr 250.000 i tilskot frå Hordaland fylkeskommune. Laget har som mål å fremje aktivitet rundt slusene på Lindås, samt samle midlar til diverse tiltak for slusene og området kring som ein del av sluseområdet. Slusene er av Kystverket, som eig anlegget, definert som eit sjøminnesmerke.

AKTIVITET/PROSJEKTTILSKOT

Sissel Anny Hjelmtveit

Sissel Anny har vært engasjert i lokalhistorie og formidling i mange år. Ho har vært aktiv i Lindås sogelag. Sissel Anny har teke tak i Den Trondheimske Postvei» frå Isdalstø til Nese (Seim). Ho har kontakta grunneigarane langs strekninga og snakka med folk som kjennar til Postvegen. Ho har no laga eit hefte om denne delen av postvegen. Spor av postvegen er i dag lite synleg og til dels borte. Gjennom arbeidet har Sissel Anny avdekt at den gamle postvegen ble lagt om fleire gangar. Hjelmtveit har vært i kontakt med Statens Vegvesen og

hatt arkeolog Tine Eikehaug frå vegvesenet med seg på synfaring på dette strekket av postvegen.

Sissel Anny Hjelmtveit søkjar midlar til å lage 50 hefter om Den Trondheimske postveg mellom Isdalstø og Nese.

Nordhordland frie vikinger

Arbeidar med immateriell kulturvern og eksperimentell arkeologi, historieformidling av vikingtid og tidleg middelalder. Viking- og middelaldardagar arrangeras i samarbeid med Lyngheisenteret og blir arrangert på senteret sitt område. Markedet varer i 3 dagar og har tradisjonell handverk og historieformidling i fokus. Det blir aktivitetar for alle.

Arrangementet er ein del av Kystsogevekene i Lindås kommune.

Eknesvågens Venner

Eknesvågens venner skal arrangere ulike aktivitetar i Kystsogevekene i august/september. Dei hentar m a inn eksterne føredragshaldarar og har aktivitetar knytt til kystsoge.

Lindås slusene

Laget skal fremme aktivitet kring slusene på Lindås. Slusene er av Kystverket, som eig anlegget, definert som eit sjøminnesmerke.

Vegard Eide

Vegard Eide søker støtte til å vidareutvikla og bevare Roparhaugsamlinga si immaterielle kulturarv. I 2017 fekk Eide støtte frå Levekårsutvalet til innkjøp av glasmonter. No blir det søkt midlar til å ferdigstillast utstillinga av innsamla historie knytt til tre kulturbrør frå Øvretveit – ein forfattar, ein skodespelar og ein felespelar/felemakar – samt lokal historie.

Alversund grendelag

Grendelaget har i fleire år jobba med lokal kulturhistorie, m a gjennom renovering av bautaene i området, vedlikehald av gamle stiar og leggje til rette for tur og trivsel. I 2018 skal grendelaget jobbe for å få skilt med lokalhistorisk informasjon, samt flyfoto av viktige minne/områder kring Gamlestova og Kraftlaget er teikna inn.

Lindås kyrkjepark

I 2018 skal det utførast tre fjerning framføre Lindås kyrkjepark samt kjøp av bark og buskar. Det meste av arbeidet blir utført på dugnad av «Vangsgutane», ein pensjonistgruppe på Lindås som har hatt «kyrkjeparken» som dugnadsprosjekt sidan 2002.

INVESTERING

Lindås slusene

Laget skal fremme aktivitet kring slusene på Lindås. Slusene er av Kystverket, som eig anlegget, definert som eit sjøminnesmerke.

3770 KUNSTFORMIDLING- OG MUSIKK

Til disposisjon	kr 618.000
Rådmann si framlegg	kr 618.150

Kategori	Søkt	Rådmannen si framlegg
Drift	937.300	409.650
Aktivitet/prosjekttilskot	369.000	137.000
Investeringstilskot	245.000	70.500
Totalt	1.551.300	618.150

Kommentar driftstilskot

Det blir gitt tilskot utfrå følgjande satsar

	Grunntilskot	Tilskot > 20 år	Tilskot 20 år >
Skulekorps	40000	300	150
Vaksenkorps	8000	300	150
Kor	5000	300	150

Songlaget Alvidt/Manger

Koret har søkt kr 7.300 og kan ikkje få meir enn det som er søkt.

Strilen Artist og Viseklubb

Laget får tilskot for medlemmar, ikkje grunntilskot.

Seim musikklag

Koret har søkt kr 7.300 og kan ikkje få meir enn det som er søkt.

AKTIVITET/PROSJEKTTILSKOT

Eikanger/Bjørsvik musikklag (EBML)

EBML er som regjerande Europameister 2017 invitert til å representere Norge i europameisterskapet for brass band i Utrecht, Nederland 4.-5 mai 2018. EBML har deltatt i EM 21 gongar tidlegare og har tre første, fem andre og to tredjeplassar som beste resultat.

Alversund kammerkor

Koret arrangerer eit Bach program hausten 2018. I samband med dette prosjektet skal det engasjeras ein gjestedirigent og to Bach seminar.

Songkoret Albatross

Songkoret Albatross feirar 30 årsjubileum i 2018. Kinoen på Fammestad feirar i år 35 årsjubileum. Koret og kinoen har funne saman i eit prosjekt dei har kalla «Frå Broadway til Folket ved sjøen». Prosjektet har filmmusikk som tema, frå tidleg 1900-talet fram til store filmar som Hobitten/Ringenes Herre i vår tid.

Musikken venner Nordhordland

Musikken venner Nordhordland planlegg 8 konsertar i 2018. Eit av arrangementa planleggas som utflukt. Av dei 6 andre arrangement blir 4 arrangert i Lindås. Den 8. konserten er ikkje bestemt kor skal arrangeras. Av artistane som skal opptre kan nemnas Nordic tenors, Reidun Horvei og Sigrid Moldestad

Alversund skulemusikkorps

Alversund skulemusikkorps skal i juni vere med i NM for skulekorps janitsjar i Bergen for første gong på nærare 20 år. Korpset samarbeidar med Austrheim skulekorps og Sagstad

skulekorps, som eit slags Nordhordland skulekorps, og eit ledd i NMF 100 års jubileum og korpsenes år 2018. Årsaka til samarbeidet er at alle dei nemde korpsa er så små og manglar delar av naudsynt besetning. Det planleggast seminar, eksterne instruktørar mm.

Oster Brass

Oster Brass har mange unge, lovande musikantar, og korpset er eit springbrett for unge mellom skulekorps og elitedivisjon. Hausten 2018 ønskjer Oster Brass å opne dørene for endå fleire unge talent i området, ved å arrangere ein solistkonsert der ein inviterer med solistar frå skulekorpsa i nærmiljøet. Nordhordland har mange gode skulekorps med mange flinke musikantar, og ein slik konsert håpar korpset vil vere til inspirasjon for musikantane i skulekorpsa og i Oster Brass.

Nordhordland kunstlag

Kunstlaget arrangerer seminar for sine medlemmar. Dette skal danne grunnlag for å skape prosjekt med m a barnehagane. Våren 2018 skal det arrangeras aktivitetshelg for kunstinteresserte.

Alversund musikklag

- Deltaking i NM janitsjar i Trondheim 16. og 17. mars 2018 inkl NM-seminar
- Sommarkonsertar i Alversund 8. juni og på Fløyen 9. juni
- Øvingsseminar på Seim i mai i samband med sommarkonsertane
- NM seminar i Knarvik 8. - 10. februar med innleigde instruktørar
- NM-deltaking i Trondheim 16. - 17. mars
- Seminar på Seim 4. - 6. mai saman med Fortunens musikkorps i Bergen

Dette er nokre av dei aktivitetane i samband med musikkorpsas år og NMF sitt 100 års jubileum. Som einaste amatørkorps med janitsjarbesetning i Lindås kommune (eitt av to i Nordhordland), er Alversund også avhengig av å søka kontaktar utanfor kommunen sine grenser for å få eit variert Musikalsk miljø

Grønn Knapp AS

Grøn Knapp AS startar opp som ein bedrift innan sosialt entreprenørskap i Lindås kommune. Parallelt med oppstart av bedrift ønskjer Grønn Knapp AS å arrangere internasjonale søm- og handarbeidstreff for alle med denne interessa i nye Alver kommune. Det vil være et særlig fokus på å inkludere innvandrar- og flyktningkvinner på desse arrangementa for å skape ein arena for samhold og forståing på tvers av kulturar og bakgrunn. Ein kan samlas om ei felles interesse, bli inspirert og lære av kvarandre. I lokalar på Garveriet i Isdalstø kan ein skape eit kreativt miljø med fokus på søm- og handarbeidstradisjonar frå heile verda. Det at aktiviteten skal kunne gå føre i desse spesifikke lokalane vil være avhengig av at bedrifta klarer å etablere seg. Prosjekt med søm- og handarbeidstreff vil uansett kunne gjennomførast, men om bedrifta ikkje lukkast med oppstart vil det være behov for å gjennomføring av prosjektet i andre lokalar. Grønn Knapp AS er nyoppretta og har ikkje betalende medlemmer eller regnskap å syne til.

Prosjektet er uklår med omsyn til kommersiell/ikkje kommersiell drift og korleis tiltaket blir finansiert. Rådmann innstiller på avslag.

Orkesteret Fossegrimen

Orkesterkonsert 10.02.18 i Knarvik kyrkje med fylgjande program: Frå "Music for the Royal Fireworks" av Georg Friederich Händel, Norsk rapsodi for orkester av Erik Eggen, 1. sats frå symfoni nr. 9 av Franz Schubert. Oboisten Karolina Chmielewska er solist i konsert for obo

og strykarar av Benedetto Marcello, og fiolinisten Sondre Fjose Sandberg er solist i "Introduction et Rondo Capriccioso" for fiolin og orkester av Camille Saint-Saëns. Dirigent er Dagfinn Rohde. Konferansier er prof. Gunnstein Akselberg. Dagen etter vert programmet framført på Voss. I vedlagde budsjett er rekna med kostnader med innstudering og framføringar i Knarvik kyrkje og i Nain på Voss.

Orkesteret er ikkje heimehøyrande i Lindås eller Nordhordland.

Rådmann innstiller på avslag.

INVESTERINGAR

Alversund musikklag

Musikklaget treng nye stolar til huset sitt til øvingane og nye bord. Borda dei har er utslitne, ulike og er lånt av eit anna lag. Huset vert nytta av andre lag og organisasjonar, samt av privatpersonar til styremøter, årsmøter, konfirmasjon mm

Bygdelaget 5915

Bygdelaget 5915 har gått til innkjøp av eit flygel – Yamaha N3 Avant Grand. Flygelet er kjøpt brukt for kr 85.000. Midtgard bedehus/Dalebygdens indremisjon har løyvd kr 30.000 til flygelet. Bygdelaget 5915 søkjar m. a kulturmidlar på kr 15.000. resten er tenkt finansiert gjennom gåve, basar, spleis konsertar, flaskeinnsamling mm.

Bygda har gått inn med kr 1.750.000 i bidrag til storstova, herunder kr 250.000 til lyd/lys.

Oster Brass

Det søkas midlar til kjøp av musikkinstrument, eks Eb-kornett. Flygelhorn, trommesett, skarptromme, diverse småperkusjon og oppbevaringskasser for slagverk.

Det er ikkje venta at korpsmedlemar skal eige slike instrument sjølv.

Skodvin skulemusikk

Det søkas midlar til kjøp av musikkinstrument, baritone.

Alversund skulemusikkorps

I samband med at korpset skal til NM i Bergen i juni for første gong på nærare 20 år, og dei gamle uniformane og genserane er like gamle, er det viktig for ungdommane å kunne ha på seg noko som gir ein felles identitet under meisterskapet og landsfestivalen.

3800 IDRETT

Til disposisjon: kr 836.000

Rådmann si framlegg kr 879.780

Kategori	Søkt	Rådmannens framlegg
Drift	1.195.000	731.280
Aktivitet/prosjektilskot	238.800	63.500
Investeringstilskot	443.000	85.000
Totalt	1.696.800	879.780

Bakgrunn for overskridelsar

Vi har fått søknad frå Bergen- og Hordaland turlag om tilskot til sikringshytte ved Kalvedalshytta. Rådmannen innstiller på kr 40.000

Vidare er det komme søknad frå Trond Mohn Games 2018 om kr 8.000. Trond Mohn er som kjend ein betydeleg bidragsyter til idretten, også i Lindås kommune. Trond Mohn Games 2018 er ei hyllest til Mohn i samband med at han fyller 75 år i år.

Kommentar driftstilskot

Lag som driv idrettsskule og/eller tilbod for menneske med nedsett funksjonsevne, får ekstra tilskot til tiltaka.

Kommentar drift

Aldersgruppe	Tilskot pr/medlem
0-19 år	Kr 225
20 år +	Kr 90

I tillegg blir det gjeve tilskot for lag som driv idrettsskule for barn og for lag som driv tilbod til menneskar med nedsett funksjonsevne.

AKTIVITET/PROSJEKTTILSKOT

FIL/AKS -77

Klubben ønskje å få til ei treningssamling i Strandebarm for utøvere frå 11 år. Dette blir ei samling med trening og sosialt samvær.

Seim idrottslag

Topptrimmen er eit prosjekt Seim idrottslag gjer saman med Seim skule. Idrettslaget har stått for utgifter med innkjøp av klippekort, tenger, kart over toppene, regler og premiering. Trekning av premier er før skuleslutt i juni.

Knarvik IL - håndball

Knarvik IL handball jenter skal delta på Stord Cup. Turen er planlagt saman med andre jente- og gutelag i Knarvik IL handballklubb.

Det søkas kun midlar til jenter -07, men ikkje for alle deltakande lag frå Knarvik IL handballgruppe som skal delta på cup'en.

Søknaden er avslått.

Nordhordland ballklubb

NBK arrangerer TINE fotballskule i samarbeid med TINE meierier. Forballskulen er for alle barn i alderen 6-12 år og arrangeras i august. NBK søkjar å halde lav deltakaravgift for at flest mogleg skal få delta.

Nordhordland ballklubb

NBK samarbeider om barnefotball i Nordhordland med Knarvik IL, Alvidra og Seim idrottslag. Det året ein fotballspelar i dei tre samarbeidslaga fyller 13 år, er det overgang til NBK. For at denne overgangen skal bli og for deltakarane, har ein valt å arrangere overnattingssamling for gruppa.

Målet er at ein skal bli kjend med dei nye lagkameratane og skape ein sosial fellesskap så fort som mogeleg.

Nordhordland ballklubb

Hausten 2014 søkte NBK Norges fotballforbund om å bli godkjend som Kvalitetsnivå 1. Utviklinga som har skjedd i klubben har vert god. No ønskjer klubben å bli ein NFF Kvalitetsklubb 2.

Ein av dei mest sentrale områda for NBK er kompetanseheving for trenare og leiare. Ein ønskje at flest mogeleg skal ha C-lisens/grasrotrenarkurs og leiarkurs. Laget søker difor midlar til denne kompetansehevinga i laget.

Nordhordland ballklubb

NBK har etablert eit «inkluderingsfond» der familiar med utfordrande økonomi kan søkje tilskot slik at barna deira kan delta på cup'ar og andre aktivitetar som har ein kostnad. Tiltaket er eit inkluderings tiltak for at alle skal kunne få vere med på lik linje med andre på laget.

IL Alvidra

Tursti prosjektet er ein vidareføring av arbeid med tursti som er gjennomført – opprustning av Gamle Fjellsendevegen. Trinn 2 er opprustning av tursti frå Fjellsende og nordover. Den frivillige innsatsen står høgt i prosjektet og bidrar til å skape fellesskap og livskvalitet i nærmiljøet.

Kløyheim bygdelaag

Formålet med prosjektet: Få bygdefolk og andre friluftinteresserte ut på tur. I dag har er det omlag 36 km med merka stier i Kløyheim- Krinsen. Målgrupper: Få både unge og vaksne ut for å bruke naturen. Bakgrunnen for tiltaket: I samband med det landsomfattande Turskilt- prosjektet og i samarbeid med Lindås Kommune, har Kløyheim Bygdelaag v/ turgruppa fått midlar til merking med turskilt og tavler. Området har hatt nokre stiar med enkel merking tidlegare, men har og allereie fått mange nye stiar rydda og merka.

Trond Mohn Games 2018

I samband med at finansmann og ein stor bidragsyter til idretten, Trond Mohn, fyller 75 år i 2018, er det teke initiativ til Trond Mohn Games. Det er m. a. Bergen kommune og Hordaland fylkeskommune som i samarbeid med idrettslag har teke dette initiativet. Trond Mohn Games arrangeras på Fana Stadion 22. august. Fleire kjende namn frå idretten skal delta, m.a. brødre Ingebrigtsen frå Stavanger. I Lindås kommune har Trond Mohn m.a. finansiert fleire ballbingar, idrettsanlegg og gitt gåve til Knarvik kyrkje.

INVESTERINGAR

Seim skyttarlaag

Skytebana har elektroniske skivar på innandørs- og utandørsbaner. Seim skyttarlaag ønskjer å utvide kapasiteten, samt skifte ut noko eldre skytermateriell. For å avvikle treningar og arrangere stevner, er laget avhengig av å ha utstyr som fungera.

FIL/AKS-77

Etter det kom nye krav til påmelding og rapportering av resultatata på friidrettsstevner, er klubben avhengig av å få ein plass som kan fungere som sekretariat (og speaker bod) under

stevner. Dette er bakgrunn for at klubben har lagt ned så mye pengar og dugnadstimer i vedlikehald i den gamle speakerboden som skal fungere som klubbhus.

Nordhordland pistolklubb

Grunna auka aktivitet og mogelegheit for å delta i fleire greiner og aktivitet, etablerer klubben seg nå med utandørs skytebane i Stokkedalen skyteanlegg. I samband med dette har klubben store kostnader knytt til dette arbeide.

Bergen og Hordaland turlag

Kalvedalshytta

Kalvedalshytta ligg 400 moh. ved Storavatnet i det verna Eikefetvassdraget i Lindås kommune. Hytta blei bygd i 2001 og har sengeplass til 20 personar.

Hytta ligg i eit område som har lang sommarsesong med snøfri sti frå tidleg vår og langt utover hausten. Vinteren2017/18 har vore snørik og mange har nytta høvet til å på ski til Kalvedalen. Den mest brukte tilkomsten er frå Romarheimsdalen med parkering i Stusdalen. Det er ei klar overvekt at lokale brukarar av hytta og den er drive av Nordhordland Turlag med frivillige busett i Lindås kommune.

Området har fine tilhøve for fiske og friluftsliv. Mellom grøne dalar og fiskevatn reiser gråfjell seg på over 800 moh.

Like ved hytta ligg eit stølsmiljø der den eldste bygninga er datert tilbake til slutten av 1700-talet. Kalvedalshytta ligg lengst vest i hyttenettet i Stølsheimen. Frå Kalvedalen kan ein gå til Dyrkolbotn Fjellstove og vidare inn i Stølsheimen via Skavlabu, Vardadalsbu osv.

Det er enkelt å nå hytta frå Stusdalen, som er ei rute godt egna for barnefamiljar. Om ein vil ha ein lenger og meir utfordrande tur kan gå frå Nord-Kvingo i Masfjorden eller Andvik inst i Masfjorden.

Prosjekt - sikring

To hytter på eitt tun gir sikring dersom det skulle oppstå problem på den eine hytta og bidrar slik til tryggleik i fjellet. Alle nye hytter i DNT byggjast med sikringshytter. BHT freistar å utstyre alle sine hytter, gamle som nye, med sikringshytter. I ein kommunal kontekst, vil den nye turlagshytta i Kalvedalen vere å rekne som eit nærmiljøanlegg. Turen frå Stusdalen er kort og egna for barnefamiljar. Det er sær s spennande for barn og unge å få overnatte på turlagshytter og vere nære naturen over fleire dagar.

Prosjekt: kapasitetsauke

Kalvedalen Turisthytte ligg i eit flott turområde som BHT gjerne vil legge betre til rette for besøkande og skuleklassar. Den eksisterande hytta er ikkje eigna for større grupper då den er lita, trong og mørk. BHT ynskjer å sette opp ei sikringshytte med 14-16 sengeplassar inkl. madrassar på loft. Det skal også leggest til rette for hund på sikringshytta og det skal vere lagerplass for utstyr til båt og kano samt ved.

Det er ofte veldig fullt på Kalvedalshytta på godversdagar og i helgar. Hyttetilsynet har lenge ynskt seg større kapasitet. Auke i kapasitet vil også føre med seg større besøk og større bruk av området.

Hytta skal byggast i tråd med miljøet rundt og skal vere ei klassisk turlagshytte som glir godt inn i eit stølsmiljø.

Hytta skal ligge om lag 40 meter frå hovudhytta.

Hytta er prosjektert og skal byggast i løpet av sesongen 2018.

Budsjett

Prosjektet har budsjetttramme på 2.015.000 kroner. Vi søker 200 000 kroner frå Lindås kommune. Vi søker også om bidrag frå spelemidlar, Olav Thon-stiftinga og sparebanken vest m.fl. Sjå vedlagt budsjett for detaljar.

Vi vonar Lindås kommune har høve til å støtte bygging av ny turlagshytte i Kalvedalen. Den vil vere eit flott turmål og bidra til god folkehelse og fine naturopplevingar for innbyggjarane i Lindås kommune.

3850 ANDRE AKTIVITETSTILBOD

Til disposisjon kr 220.600
Rådmann si framlegg kr 212.600

Kategori	Søkt	Rådmannen si framlegg
Drift	311.900	90.600
Aktivitet/prosjekttilskot	70.000	36.000
Investeringstilskot	461.000	86.000
Totalt	842.900	212.600

Kommentar driftstilskot

Dyrebeskyttelsen Norge søker tilskot til drift av organisasjonen. Ingen spesielle tiltak er nemnd i søknaden. Søknaden er føreslått avslått.

AKTIVITET/PROSJEKT

Alversund sokn

Alversund sokn skal arrangere konsert/gudsteneste med Edel formidling (Lindås basert kulturbedrift) med påske som tema.

Landsforeininga for pårørende innan psykisk helse – Nordhordland

Kvar vinter inviterer Hordaland fylke til arrangement i Myrkdalen eller på Oset høgjellshotell. I 2018 er det Oset Høgjellshotell som er valt. Psykisk helse – Nordhordland skal sende deltakara frå Nordhordland, også Lindås. Lindås kommune v/helse støttar ikkje tiltaket med personale m/lønn. Det er naudsynt at 1-2 personar er med som leiare. Det søkjast midlar til reise/oppald for 2 leiare.

Lindås bygdelaag

Lindås bygdelaag vart stifta 10. juni 1993. I 2018 har Lindås bygdelaag vert ein kulturformidlar og formidlar av bygdehistorie i 25 år. I samband med markering av jubileet, vil laget gi ut eit jubileumsskrift til innbyggjarane i Lindåsbygda. Jubileumsskrifteter og meint som informasjon om kva laget har bidratt med i desse åra, i tillegg ynskjer dei å skape blest om laget for på den måten rekruttere nye medlemmar.

Bygdelaaget 5915

Bygdelaaget 5915 har blitt eit Liv & Lyst prosjekt. Målet for Bygdelaaget 5915 vil vere auka mangfaldet og utvida krinsen av engasjerte innbyggjarar og få til eit breiare fellesskap rundt eksisterande aktivitetar og etablere nye etter Liv & Lyst prinsippet. Det er førebels arrangert eit fråsparkseminar.

INVESTERINGAR

Vestre Vassbygd grendehus

Vestre Vassbygd grendehus er 102 år gammalt og tener i dag som forsamlingshus. Det elektiske anlegget er utdatert og treng oppgradering.

Haugatun samfunnshus

Som del av seinare års renovasjon av huset for å auke nytteverdien for bygda, er det iverksatt oppussing av kjellaren slik at denne skal egne seg til bruk for ulike arrangement.

Lindås indremisjon

Laget ønskjer å få installert varmepumpe for å skape meir balansert varme i lagshuset og samstundes redusere oppvarmingskostnader.

Stranda bygdelag

Lagshuset har framleis lekkasje i taket. Noko blei reparert i 2017, men huset er gammalt. Det er også naudsynt å male ei utvendig vegg, der noko av kledninga kanskje må skiftas.

Hundvindgrend sanitetsforeining

Eiar eit lagshus der delar av huset er utleigd til Hundvin naturbarnehage. Dei har fått pålegg om å lage rømmingsveg frå 2. etasje samt sette opp gjerdet rundt egedomen.

Amcar Nordhordland

Amcar Nordhordland ønskjer å invitere motorinteressert ungdom inn i laget. I søknaden står det ikkje noko om korleis laget skal gå fram for å gjennomføre dette. Det einaste som er oppført er kjøp av utstyr til kr 170.000. Rådmann innstiller på avslag.

.....

Vedlagte saksdokument:

Kulturmidlar idrett - Uttale frå Lindås Idrettsråd 2018	226652	09.05.2018
2310 Barn og unge	225955	04.05.2018
3750 KULTURVERN OG SAMLINGER	226301	07.05.2018
3770 KUNSTFORMIDLING OG MUSIKK	226302	07.05.2018
3850 ANDRE KULTURAKTIVITETER	226303	07.05.2018
3800 IDRETT 2017	226651	09.05.2018
3850 ANDRE KULTURAKTIVITETER	226304	07.05.2018
Lindås Kulturråd - uttale fordeling kulturmidlar 2018	226654	09.05.2018

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost